

道法會元卷之一百四十五

西六

太一天章陽雷霹靂大法

祈晴行遣

昊天雷祖奏狀式

具法位臣姓某誠惶誠恐稽首頓首再拜

上言臣一介凡愚千載幸會得遇明師傳

付大法登壇之日誓以助佐

道化濟物利人臣謹據某人投詞伏為今

歲某時以來久雨連綿水澤盈泛漂浸五

穀民心憂懼投臣為祈求晴霽臣領詞

虔切不敢抑違謹取某月某日就某處建

壇祈禱蘇救禾穀以全民命但以

太一大法威禁至重不敢擅行除申牒

天地職司掌隸等處知委伺候

敕旨降下立便開晴升陽開霽須至具狀

逐一奏請者

一臣奏乞

敕命下九天曹局掌隸劫數罪業真

司特與原赦某州士庶男女種種欺

罔冒犯無邊之罪免遭劫會庶得導

迎和炁保全民命

一臣奏乞

敕命下九天雷司頒告太一六府雷

震諸司三界當率行雨龍神應干掌

雨賜去處照會遇臣批發

太一祈晴真令至日應時止雨停風

升陽退陰符檄到日即時依應施行

一臣奏乞

敕命下太陽宮速與督發南方火神

雷帥升起陽光止停風雨并下羅暎

計都兩宮收斂陰炁開雲現日保全

禾穀

一臣奏乞於奏後批發止雨祈晴真令

乞降

敕旨下太陽宮專委引駕鄧化將軍

高步火城燦退陰翳升陽暖物

一臣奏受法之初以九祖為誓專一代

天行化祈晴禱雨濟物利人為急今

伏觀某州連年饑饉民物流離田野

荒涼實為迫切臣深慮下民不能敬

畏天地損物害人積罪造愆致遭劫

會臣仰惟 大道好生之德常憫下

民欲望 慈悲特賜 原赦

一臣德行淺薄自得法以來香火怠慢

功無毫髮輒敢容易具奏上干造化

死有餘罪乞賜

原赦特降正真自然諸天生炁道炁

灌注臣身中今臣宮室清明易於號

今立獲感通

右臣謹謹畫一具狀昧死上奏

太一正元雷祖轟天大帝閣下恭望

宸慈允臣奏請事理即賜 敕命下所屬三

界真司掌隸火部雲雨等處立便依應施行

即使陰炁去除雲開雨止太陽出現蘇暖萬

物救濟民命上彰 恩化下副哀祈臣干冒

天威下情無任瞻 天望聖激切伺思之至

謹昧死奏 聞伏候 敕旨謹奏

年月 日具 法 位臣姓某狀

貼黃式

臣奏為某處久雨連綿水澤盈泛漂浸五

殺祈求晴霽救蘇民命伏候 敕旨

倚黃式

乞頌 敕命下九天曹掌劫會及雲雨
去處施行

聖后奏狀式

具法位臣姓某誠惶誠恐稽首頓首再拜

上言臣今月某日具奏 昊天乞降

敕旨并奏 雷轟闕下請降

睿首下太陽宮升起陽光救蘇禾穀并下

九天曹掌劫會罪錄真司原赦萬民罪

咎事切念臣一介凡愚千載幸會遭遇明

師傳付大法臣受法之初列九祖為誓佐

助道化濟物利人謹據某人投詞伏為自

某月以來連綿陰雨水澤盈泛漂浸五穀

民心惶惶投臣句為祈求晴霽事臣遂於

某日具奏 天關乞開晴霽保全五穀蘇

救萬民至今未蒙感應臣仰惟

大道曠古救人欲望 慈悲即賜命駕特

詣轟庭解釋萬民所積罪愆頒降

恩赦升起陽光蘇救五穀臣不避雷斧之

誅須至奏 聞者

右臣謹謹錄狀上奏

掌法聖母元君闕下臣恭望 睿慈允臣所

奏即乞過宮上詣轟庭為萬民哀請特賜

原赦惡業罪障得免饑饉逃亡之厄仍乞

敕下九天曹局掌劫會真司照應併下太陽

羅睺計都星宮遵依符命立便開晴收歛陰

炁升起陽光救蘇民物臣干冒

宸威誠惶誠恐稽首頓首再拜謹具奏

聞伏候 昭報謹狀

年 月 日 具 法 位 臣 姓 某 狀

申 祖 天 師

具法位姓某

照對昨遇明師傳付大法登壇告盟之日

誓以佐助道化濟物利人謹據某人投詞

伏為今歲某月以來久雨連綿水澤盈泛

漂浸五穀民心憂惶投某句為祈求晴霽

事某領詞迫切不敢抑違謹取某月日就

某處建壇祈晴救甦禾穀以全民命尚慮

下民積造罪愆致遭劫會仰惟

大道好生曠古救人除已具奏 三天及

雷祖大帝闕下乞賜原赦某處士庶男女

種種欺罔冒犯無邊之罪仍乞

敕旨下太陽羅睺計都星宮開雲現日遵

依施行所有雷霆風雨陰晴實隸

天省主行須至申 聞者

右某謹具狀拜申

祖師三天扶教輔元大法天師正一冲玄神

化靜應顯佑真君聖前恭望

聖慈允今所申特降 聖旨下雷霆火部所

屬靈司掃退陰靈并陽暖物庶使五穀成熟

下民不致饑饉實出 生成干冒

聖威下情無任惶懼之至謹具申 聞謹狀

年 月 日 具 法 位 姓 某 狀

南 方 亦 天 火 光 震 殺 雷 帝

具法位姓某

照對某日前入意 并批發太一祈晴真令

符檄督發南方火鈴火部開伯雷火將軍

欽火律令大神都天火車大元帥合干威

神同稟律令掃退陰雲天開晴霽外所有

火部號令實錄

帝君主行須至申 聞者

右某謹具狀上申

南方赤天火光震怒雷帝 聖前伏望

聖慈允今所申特降 聖旨下南方火鈴大

將軍火部闕伯雷公將軍欵火大神擲火掃

雲使者太陽下鄧化將軍同共掃除陰翳止

雨停風普現陽光救甦禾穀上體

太上好生之德下副萬民哀籲之誠 聖前

太陽申狀

同前意 乞賜 赦原某處士庶男女種

種欺罔冒犯無邊之罪仍乞

教旨下三界真司依應施行外須至申

聞者

右某謹具狀上申

日宮太陽炎光帝君聖前伏望 西六

聖慈允今所申特降 聖旨廓開陰翳昭現

陽光全百穀於秋成救萬民之歲計 同前

羅計申狀

右某謹具狀上申 神旨隱曜羅睺星君

神尾暗曜計都星君聖前伏望

聖慈允今所申早賜 指揮收斂陰炁止兩

散雲大放陽光救甦萬物上體

太上好生之德下副士庶哀籲之誠 同前

雷祖闕下引進狀 天祖院引進

具法位姓某

照對本司今據某投詞伏為自某月某日

以來久雨不止水澤盈泛漂浸五穀勾為

祈求晴霽事謹取某月某日就某處建壇

今為拜發奏狀一函上詣

雷祖大帝闕下通奏須至申 聞者

右某謹具狀上申

雷祖大帝闕下引進仙官聖前伏望

聖慈允今所申不候天下章奏文字類聚早

為通奏取 旨頒降施行 如常

火鈴牒

司牒 南方火鈴大將軍將軍

照對本司據某人入意 須至專牒者

牒候到請詳前事理遵依 九天太一雷令

貼同太陽下鄧化將軍并雷霆欵火元帥南

方都天火車大元帥擲火掃雲使者高步火

城掃退陰炁昇陽開霽成就豐年有功之日

列言 帝庭 雷令尊嚴立待 昭報謹牒

年月 日 時牒

具法 位 姓 押

主雷欵火鄧元帥牒

牒至請詳前事件遵依 九天太一雷令貼

同南方火鈴大將軍都天火車大元帥火部

闕伯雷部將軍擲火掃雲使者太陽下鄧化

將軍同共高步火城掃退陰翳開雲現日暖

物利人有功之日列言 帝庭如違定依

黃神律令立待 昭報謹牒

謝晴奏昊天雷祖狀

具法位臣姓某誠惶誠恐稽首頓首再拜

上言臣等草微生遭逢 大法仰藉

大道賜受法職金書玉篆秘法靈文道重

人輕夙懷憂懼常思立功補過濟物利人

昨據某人投詞伏為自某月以來久雨連

綿水澤盈泛漂浸五穀民心憂惶投臣勾

求晴霽事臣詳詞迫切不敢抑違謹取某

月某日為始就某處恭依 太一祈晴法
式奏聞 天闕備申 主雷諸司批發九
天太一真令移牒天府威靈掃除陰翳開
放陽光仰沐天恩俯從人欲五穀有成熟
之望萬民無饑饉之憂臣輒敢冒瀆

三天乞賜 推賞所有太一十大星帥都

天飛翼雷公大將軍火部闕伯大將軍欽
火律令大神飛烈七十二將南方火鈴宋

將軍諸司帥將一切威靈今次祈晴委有
勞績伏乞並依 三天玉格內有功者重

加遷職以為効信更乞 赦臣冒瀆之罪

副臣哀懇之誠降以正真生烝入臣身中
俾臣行持道法香火興隆凡有禱祈悉臻

感應身中清吉橫逆不生凡在玄門悉依
道蔭須至奏 聞者

右臣謹謹錄狀上奏

帝位 臣恭望 天慈允臣奏請乞頒

敕旨下三天都省合屬真司照應今來所奏
言功事理乞依 玉格重加遷賞施行臣干

冒 天威照前奏結

三省申狀

具法位姓名

照對昨據某人入奏 除已具奏

三天金闕 雷祖帝闕乞降

敕命施行外須至申 聞者

右某謹具狀上申 三省聖位恭望

聖慈允今所申特賜敷奏今來所乞事理請

頒敕命特前件官將重加遷賞仍乞告命大

一雷霆諸司官將常切隨司護衛後有召役

立獲感通庶使 道化興行神功昭著干冒

聖威照前奏結

祈雪行遣

碧玉奏狀

具法位姓名

照對本司據某州某人投詞伏為入冬以

來全無瑞雪暖煥非時以致萬民多生災

疾兼慮來歲必有蝗蟲侵食禾稻民心憂

惶投臣向為祈求瑞雪滌除沴氣迎導禎

祥事臣詳詞迫切不敢抑違合為告行

太一翻雨致雪真符督發雨部雲部風部

雲部合千威神同稟律令奉行須至奏
聞者

右臣謹謹錄狀上奏

太一碧玉內院大天帝聖前臣恭望

聖慈允臣所奏特賜

聖旨下碧玉內院太一雷司照應施行遍某

州縣大布彤雲興風作雪消除疫癘鎮壓塵

蝗召和氣以致豐年溥 玄恩而彰

道化臣干冒 宸嚴照前奏結

太一四真人申狀

右某謹具狀上申 太一月陰月華真人

太一散風散雨真人聖前恭望

聖慈允今所申特賜 慈悲以太一碧玉白

蓮真水付左右二仙龍王變化瑞雪瑤華遍

於所掌地分消鎮疫癘杜絕蟲蝗滋潤地脉

感召豐年如蒙慈感大地雷恩照前奏結

瑞光仙師負風大神雲陣使者雨師

大神牒

右牒請詳前項事理遵依 太一雷令貼同

風雨雲雷部合千威神龍王遠興雲陣撒風

致雨變雲降祥遍布四郊以慰民望有功之日列言 帝庭急速奉行伺昭報謹牒
左右二仙龍王牒並同前式

發奏申引

司

本司今發為民祈雪文字須至發付者

一奏狀一函上詣

太一碧玉內院

一申狀一函上詣

太一四真人門下

一公牒一角至

瑞光仙師負風大神前下

一公牒一角至

左右二仙龍王前下

一告行

太一翻雨致靈真符一道

右引付 雷司當日直符神吏功曹使者准

此立便承領上件申牒飛上

太一宮諸處投進雲路之上不得時刻住滯損拆如有違慢定依 玄章律令施行仍仰

催督雨雪風部報應一例言功以為効信故

引

年月 日 時引

具法位 姓 押

驅蝗行遣

劄本境

司

照應本司保准 轟天敕命掌握雷霆專

天章號令之權主太一專司之職驅除妖

孽蕩滅邪精使萬民安業五穀豐登本司

據詞切原蟲蝗害民皆是當坊廟貌社今

土地等招誘不正之炁容庇在鄉變化為

蟲食害禾稼有傷民食照得本鄉廟貌社

今土地神祇安受居民祭祀自合保護一

鄉田疇禾稼豈得招誘蟲蝗侵害田木豈

不有違

太上好生恤民之德天律不容本司未欲

遽然差發雷帥前去逐一追究今仰汝等

遵依九天玄章符命火急不移時刻同所

差天將吏兵將見今蟲蝗逐一盡行追遣

前去不許容在本鄉侵害禾稼如有小廟

山神傷亡木下等鬼輒敢妄有埋魘咒詛

在內為害至仰一併和釋遣逐不許有違

符命如或不從今來符命定行差撥雷帥

前去勦除逐一收捉解送 黃神烈露臺

依劄令施行斷無輕恕符到遵守火急奉

行須至劄者

右劄本境社今之神准此

年月 日 時劄下

具法位 姓 押

引式

司

近據入意 本司看詳蟲蝗害稼實本境

廟神社今下邪等招誘不正之炁變化為

蟲侵食禾稼實為王民之害在當職掌握

天令合與施行除依式批篆

九天玄章符命劄下本鄉當境廟貌社今

土地等神遵守遣逐外合行差將監勦遣

逐須至差引者

右仰某將只今領本部天將天兵各帶本色

器械前往其處監勒本鄉廟貌社令土地等
火急將見侵害禾稼蟲蝗盡行遣逐不許有
違天令如或小廟山神傷亡木下等鬼妄稱
呪詛在內為害並仰一併遣逐如或不從符
命定行批發

九天雷令差撥雷帥前去勦除收捉解送
黃神依令施行火急奉行毋致違滯如常
如不退申主司牒雷將具奏批令再創立
限速追廟神

驅邪行遣

投詞判

司
准法判

- 一欲先關報本司諸司諸府合干將吏
在壇駐劄伺候差使
- 一欲先具狀飛申 天章雷司乞移文
九天太一五雷六司雷公都部合集
各司兵馬俟候本司行文到日應時
發下地頭追捉施行
- 一欲先批 太一真令下某人家拘制

邪鬼斷絕殃耗
一欲次第具奏 雷霆遍申
太一雷司六府六司遍牒合干雷將
等集兵擒捕
關式

司

照對據入憲 本司據陳准書判為某事
今來合要諸司官將前來駐劄聽候差使
擒捕禍邪及專切防護本壇及法官身
身後所貴邪不干正須至公文者

右關承差神將准此不移時刻立便關報九
天太一六府六司雷公都部飛烈七十二將
火部關伯欵火大神風雲雷兩電霹靂部衆
只令下降行壇駐劄內雷公將軍火部關伯
將軍欵火大神請徑下某人家駐劄專功提
督差去雷神用心擒捕立要敗獲即與禁制
火精自行文為始不得再有進作的要火逞
神通宣靈顯聖有功之日言勞遷職前件所
關事理疾速奉行不許頃刻住滯違戾故關
年 月 日 時 關

具法位 姓 押
批式

司

照對本司掌 轟度真令飛烈七十二將
佐應三界萬靈並聽號令之下敢有拒逆
於道不順者並赴黃神令下劍號施行今
汝等依附草木積為群黨敢在
天地日月星辰雷霆之下公然肆與孽毒
出影露形或放火燒人屋宇家財此時隨
事更改
驚恐生靈全無畏懼換之天律

皇天不容皇地不載日月所不照雷霆所
當誅死入黃神入地萬夫魂死無生無足
忍恤汝等速當俯伏五體就地悔艾罪惡
以求原免拱聽 雷霆號令之後不得再
有進作如或毫髮有違定從

右准 雷轟大帝面敕批行速宜遵奉
批者

右准 雷轟大帝面敕批行速宜遵奉
年 月 日 時 批

引式 太一諸符如有放火燒人屋宇
或治精邪等事臨時隨事用之

司

今准雷轟大帝敕元降

太一某符下專司差降太一某將時隨事

用差吏兵立便將帶器械火急下某處某家

貼同差去雷將收捉某色一行魁鬼牢固

鎖縛從限管押出頭守候喚上供證為白

日不時出形露影或放火燒某等事不得

有違須至行遣

右准前件符命火急奉行不得違滯准此

年月日時引

限

具法位 姓 押

飛申天章雷司

具法位姓某

照對今月某日據某州某入意據陳迫切

當日即與關會諸司將佐飛翼雷公火部

關伯欵火大神烈面使者懸沙使者部帶

吏兵徑下地頭根捉為禍魁精及批太一

號令差壇司前去某家宣示魁鬼據面報

云某家某日又復進作隨事今恐此鬼日

復一日連結群黨轉見猖獗拒抗除差將

督捕外須至申 聞者

右某謹具狀上申

九真君位 恭望 聖慈允令所申特降

聖旨下九天太一五臺六府六司霹靂諸司

照今所申事理疾速差降猛烈將佐合千威

神各帶器械徑下地頭併力擒捕魁鬼斷絕

某色精靈為民除害今後遇有急切討捕事

件不候申請許容便宜施行所貴

天法昭明邪不干正結如常

雷公關伯欵火七十二將牒同式

司

據某處入意所據來詞已於今月某日關

會諸司將佐及專委某將等爭目見先鞠

崇大將烈面使者等各統兵馬前去擒捉

某日據某人投陳某色一行邪鬼於約束

後未及幾時又復進作或放火委實切害

陳乞嚴行追捉禁止某色邪精免為民害

本司見得此鬼全無忌憚不畏天法所差

將佐坐視不為用心聽其猖獗不即擒捉

豈不有失規制須至專牒者

牒候到請速詳前事理徑下某家駐劄立便

督發所差將佐疾速用心擒捉從限管押出

頭供證來歷因依以憑行遣牒至須要敗獲

撲滅某色精怪不得坐視縱容邪鬼再有進

作如有拒逆者請即行斬首以令鬼眾仍監

住廟神主者不得坐視縱容邪鬼玩弄

天法公然出影露形或放火惱害良民如今

次更不用心必定具奏取 旨施行如常

引式

司

今差神將齋牒幾道前去逐一照所關差

各司雷將前投落即便領押合要將吏各

帶器械徑下所指地方擒捉某色魁鬼併

召第二臺第五臺太一判吏獄官直卒將

帶本臺榜治一行刑禁獄具前來某家伺

候差去將佐捉到魁鬼如法牢固監管分

明現形報應以明

天法不得有違須至引者

年月日時引

具法位

姓

廟神劄

司

照對今月某日據某處入意當日關會諸
司將佐前去追捉及批雷霆號今宣示鬼

衆某日再據某人投稱某日於約束後未
及幾時又復進作陳乞嚴切督發雷神盡
行收捉制伏妖精免為民害本司詳得此
鬼黨類衆多已飛申

太一六司六府檄起星帥雷帥將軍等下

降某人家布列圍繞併力擒捉及照

貴廟與某家密邇自合嚴行禁治况某亦
曾有請於貴廟安得不與為福在

天津國法皆為不侵本司未欲便行追究
須至公文

劉請本屬某廟神請詳備去事理立便躬親
部領本廟判官兵馬前往某人家貼同差去
雷部神衆併力擒捉某色一行魘鬼各要正
身牢回收管申解本司切待親行領問作禍
末歷因依庶憑斷遣仍與制伏為害光怪以

劄下某日為始不得再有進作務要安靜無
虞以彰神用先具遵稟狀申

雷司照應不得有違故劄

年 月 日 時劄下

城隍牒

司

照對今月某日據某處入意所據來詞已
於當日關會諸司將佐前去追捉及批雷

霆號今宣示鬼衆某日再據某投稱某日
於約束後未及幾時又復進作陳乞嚴督

雷神盡行收捉制伏妖精免為民害本司

切詳此鬼全無忌憚不畏
天法除具備雷轟合同符檄具狀飛申

雷霆六府六司檄起
星帥雷帥將軍等立於今月某日時一合

下降某人家張羅布網圍罩十方併力收
捉非不嚴切恐此鬼黨類衆多若不速行

勤絕則源源之禍何時是已其事正隸
神司所部須至專牒者

牒請速詳前備去事理立便躬親部領本廟

判官神吏精兵火急前往某人家地頭貼同

本司差去雷將及五靈廟主者併力擒捉某

色一行魘鬼管押赴本司出頭供證為禍因

依以憑結絕牒至請速奉行毋輒頃刻住滯

坐視邪鬼害人不為用心擒制先具遵稟回

報以憑繳申雷臺照應毋輒故違謹牒

催捉牒

司

照會今月某日節次具牒請速督發

九天太一五雷六司將佐下降某人家併

力追捉為禍魘鬼撲滅妖怪隨意免為民

害本司切詳此鬼全無忌憚不畏

天法所差將佐坐視不為用心聽其猖獗

誠何以堪敢賴奮揚天威鼓率神武以威

猛從事勝捷為功鬼滅人生豈無勞績須

至牒再催者

牒到速嚴兵陣討捕魘精盡底擒收毋令隱

漏佇看收功鬼窟還賞

轟庭毋或不前自干黜陟謹牒

年 月 日 時牒

具法位

姓押

具法位臣姓某

奏雷祖貼黃侍黃並同前奏狀式

照會臣於本月某日謹據某州某人投詞伏為某事投臣法壇句為驅除事本司遂

行差將前去驗實禍由委是此鬼在某家

驚恐老幼為害百端况臣職隸太一天章

掌握雷霆印令告盟之日誓以除邪輔正

濟物利人今者既奉投詞實為迫切臣即

發太一符命前云宣示全無畏憚愈見猖

獗蓋謂此鬼頑猾若不作急行移縱恣不

已必致害人性命臣統法以來豈容此等

妖鬼敢在天地日月星辰雷霆之下出

影露形或作何害殘害良民抗拒

天法全無畏憚若更寬急不為勦除誠非

臣受法之初心儻非雷霆顯加誅戮則源

源之禍何時絕得臣已於本月某日某時

立壇召將前來某處受祭會合諸司霹靂

雷神諸處將兵監勒城隍社令地神布列

網羅四圍密匝圍單某人家若擊代則云

精廟母令走透同伺

救旨行下驅動陽雷霹靂大震誅伐魑精

若擊代云掃除禍根庶可分別陰陽保

全民物臣自知德行淺薄妄動雷霆然事

不獲已謹按 玄律不經

奏聞不敢妄役仰惟 大法曠古救人臣

不避雷斧之誅除具申發令主司外須至

奏 聞者

右臣謹謹錄狀上奏

正元雷祖轟天大帝陛下臣恭望

洪慈允臣錄奏乞降 敕命專下九天天章

雷司六府九天諸司雷霆去處照應所乞事

理委實的確並無違礙妄動雷霆事理專差

太一霹靂雷帥將軍雷公都部天將吏兵六

府九天諸司雷霆帥將兵馬引雷星將莫錯

使者五雷部眾殺伐威神一合定於本月某

日某時下降某處地方大興霹靂誅伐某色

魑精破廟則云以為明驗內有黨類情罪稍

輕者捉押解送雷臺決於某家地方斷絕某

怪如病人看邪失魂則云次拘運病人某身

中魂魄去滯邪毒補炁生神保護身體早

賜安方顯大法其某罪惡所積 上天謹責

致招下鬼所誣請體生恩悉與 原有俾令

鬼妖滅爽早臻安寧干犯

洪威臣下情無任戰慄仰望 掬天候恩候

命之至謹具狀奏 聞謹狀

年 月 日具法位臣姓 某 狀

九真君申狀

具法位姓某

檢會本月某日具申據某州入憲除具申

聞及飛奏雷闕其事正隸發令主司候

敕下早動霹靂應期誅伐所有

太一霹靂諸司帥將雷火都部預期下降

地方庶不誤誅伐行事須至申 聞者

右某謹具狀上申

太一霹靂專司主雷九位真君 聖前恭望

聖慈允今所申體念生靈被魑鬼肆為殘害

或被放火事理即乞

聖旨下太一天章雷司六府九天諸司雷霆

去處照得今來與伐並無違碍妄動雷霆事

理早為差降帥將吏兵擊伐雷神合于猛將

徑下地方大興霹靂誅伐杜絕魑鬼為民除

害于犯 聖威如中

聖后奏狀

具法位臣姓某

照會臣今月某日謹據某州入憲 據陳

被魑鬼肆害極久不散妄動猶恐某罪惡所積 上天譴責是致下鬼所誣或是厄

運值此及家口心不歸一不信道法懷蘊

疑貳臣所發諸司雷神將佐見此未與制

伏捕擬有此深慮不容寢絕除具奏

轟庭乞降 救命專下太一天章雷司六

府九天諸司雷霆去處照所乞事理專差

太一霹靂雷司帥將雷公都部天將吏兵

殺伐威神等定於今月某日某時下降某

家地方大興霹靂誅伐某色魑鬼以為明

驗顯揚大法若蒙即賜過宮解釋前件過

惡厄會俾得所差雷神即便制伏永絕禍

源實出 慈造臣濫掌雷霆德行淺薄冒

昧行持死有餘罪仰惟 大法曠古救人

臣不避雷斧之誅謹具狀奏 聞者

右臣謹謹錄狀上奏

九天掌法聖后元君聖前臣恭望

睿慈允臣所奏早乞

御輦過宮上御轟庭為某人哀請特賜赦原

惡業罪障得免懲儆非常之禍某色魑鬼立

得斷絕即乞 救下雷司應時遵依已申牒

事理施行于犯 聖威

引雷真君

具法位姓某

照會今月某日據某州入憲 除已具奏

雷闕切緣雷威急猛恐致誅伐日時誤擊

地方衝傷良善除別具牒莫錯使者外又

慮雷將未知當日雷路所有引雷事理正

隸 主張須至申 聞者

右某謹具狀上申 九天張宿星君

九天軫宿星君聖前恭望

真慈允今所申關會太一雷部照本司前後

所行事理所批號今至今月某日某時前往

某處先為前後隨衛雷公驅發莫錯使者依

律奉行候行事竟即時收斂雷威各還所部

庶無差誤得濟大功為民除害同前

批示鬼衆

據某人狀投本家被某邪鬼出形影影驚恐

老少乞行止絕本司不欲便行擒捉某日遂

差壇司宣示雷霆號今約以當日為始不得

進作即要安靜爾等見本司約束一到自合

遵依出離某人家不應於約束後又行興禍

或故大必是爾等鬼衆意要滅裂雷霆抗拒

天法當職若行差天神擒捉爾等鬼衆豈得

無罪除再行約束仰爾鬼衆等見此約束不

移時刻遞相告報火急前去元來處所安爾

魂魄守爾營窟不得似前頑慢少有住滯如

本司今次約束之後爾等仍不悛改起離定

行擒捉科罪粉骨碎身無致後悔故批

年月 日時批

某星帥牒如不此牒

司牒上 太一某星帥此牒是時隨是何鬼用

檢會本司今月某日時依法批鑿

太一某真令具牒請立便下降某處某人

家制伏某精擒捉某鬼立俟昭報速行止

絕以明神用宣謂行遣後其鬼復於某日
又行興害改府顯見滅裂天法侮弄雷靈
號令情罪非輕所以本司特發急捉行移
惟恐某人害及人命放火則云所住屋
安家財一旦灰燼
何期星帥不即用心嚴切提兵勦絕致令

下鬼輒敢抗侮委是有失

天法規制如是則道法不行於世間是無
昭昭之理在上也除一面飛奏外須至再

行專牒者

牒至不請坐視火急統領所部某大神等如
火則用火部諸將各帶火
索火鈴火鷹火馬餘同此上連九天下連九
地搜捉某人某色魁鬼盡底誅戮滅跡除
形以安民物如或承今牒後仍前將為常事
不行用心制伏必定飛奏
轟庭依 玄章律令施行照常
式結

關式

今關後項神將火急於某日時下降所指地
方管轄下項

一差某等一行將佐領本部吏兵如捉火
精則用
大將軍翻將用十八挺中翻
大吏兵餘做此各執器仗徑

下某處搜捉某色鬼精立要敗獲撲滅
某怪或放火則云
火性隨事改務要安靜不得有違
一前後檄起差去六府諸司帥將雷火都
部霹靂殺伐威神但干承文將佐密切
圍罩某人家住屋境界不得走透上件

為禍魁鬼併力擒捉立要斷絕禍源撲
滅某怪放火則云火
性隨事改寫務要安靜不得有
違

一當日神將某將軍部領諸司兵馬徑下
某人家承領天令搜捉為禍惡逆某色
鬼神牢固鎖縛赴壇出頭根究為禍拒
捕情罪如再抗拒逆即仰就地頭斬首便
宜施行不得有違

一坎宮水鬼神將呂大神東海使者禹伯
不移時刻搬運神水水冷雪雹至某處
其家灌沃火精立要絕滅庶幾雷將可
治邪病都引

右仰神將某准此火急奉行
太一天章陽雷霹靂專司

照對本司係掌握轟天霹靂之權判鬼神
昧正不典之事今據某州入意本司既受
投詞所合救護今具畫一當幹事件下項

一仰本司當日直壇天神功曹喚集
太上某符中神靈直使符吏兵馬只

今隨逐真符前去患家各以威神流
布真炁滌蕩兇邪調護真元俾三田
通暢五臟安寧陽盛陰消人安鬼滅
如符元式靈應成功

一仰本司當日直壇天神功曹速遵法
旨徑下本人家喚集側近廟貌神祇
住居司命土地五道井雷禁急龍神
廁堂夫人等會問某患身魂魄着落
如是炁數不正被無道鬼神暗興妖
異侵害生人停伏人家日久不去皆
違犯天律住居內外神祇三十七知而故縱
及自透引入宅坐罪非輕若今來承
受指揮後即不發遣押出外界而病
勢困重再有投陳定依雷令仍具病
人得患因依及有無邪崇魂魄着落

結罪狀申本司以憑施行

一恐有時行疫毒瘟疫不係違犯天律

不宥之人限日下告諭瘟神即行收

攝毒烝回部不許違抗指揮

一恐上天譴責為塚訟伏連在陰府追

對者即仰管押亡魂冤對入病人夢

中分明通傳以憑解釋

一恐本人家修造及土箭飛土等致生

病苦仰傳法旨下土司禁忌神祇限

即日即時解釋不許致害

一恐有住宅前亡後化伏尸不詳暗侵

生人者仰傳法旨監勒司命等神押

出外界不許停留

一恐患身被邪鬼精靈侵害藏匿男女

魂命不還事體情理切害及黨類連

結不容輕恕者仰差去功曹即時飛

申本司六府六司關請將佐前去收

擒杜絕以明天憲不候本司指揮一

面施行務在通靈顯應以為功驗

一恐有五方巫覡遊師邪壇廟席白衣

五音師人妄起邪神侵害良善者於

天條王法有違即時具申雷府勒絕

施行

右都引付

本司帥將等速依

太一雷令逐一遵依報應施行不得有違

天律火急奉行故引

年月日時引

道法會元卷之一百四十五

道法會元卷之一百四十六

西七

正一忠孝家書白捉五雷大法

水火真機

師曰心火腎水其理自然心水腎火道之樞
機交陽混陰陰昇陽降顛倒坎離混融二炁

化生萬物變化無窮焉盪兇者三五交媾之

道內以忠孝為本外以體用為宗不假符呪

罡訣全資精炁神凝合大道也繁已之謂忠

盡誠之謂孝忠者正性而不欺孝者保精而

不散烝聚神全自然交媾以成至真妙道也

今得之者切勿輕泄稍有漏違雷律在焉

鍊將坐功口訣

造化由來是五行五行全備始通靈但教水

火混成一却把離宮入坎庭舌柱天關封地

戶靜默存神上紫雲兩手相交叉脚膝不關

人事即心澄學仙童子能依此白日乘雲謁

太清

空山內訣

金頂華池鍊日月世人尋之莫休歇一奉打

透太虛空朝朝日日朝金闕